

Pab koj tus me nyuam kom cim tau qhov tau kawm

Helping Your Child with Mnemonics—Hmong Version

KEV KOOM TES
TXHAWB NQA DEJ
NUM

DAIM NTAWV QHIA
TSWV YIM



Kev koom tes txhawb nqa dej num
rau cov chaw pab cov niam txiv

8161 Normandale Blvd.

Minneapolis, MN 55437-1044

Tus xov tooj yog: 952.838.9000

Tus xov tooj ntaus ua
ntawv hais yog: 952.838.0190

Tus xov tooj xa ntawv yog:
952.838.0199

Tus xov tooj hu tau dawb thoob
teb chaws yog: 888.248.0822

Tus email yog:
alliance@taalliance.org

Lub web site yog:
www.taalliance.org

Tsab cai kawm ntawv ntawm tib neeg tsis taus (IDEA 2004) yog tsab cai txhawb kom cov me nyuam muaj qhov tsis taus muaj lub tsam thawj mus kawm tau cov ntawv qhia rau ib tsoom. Tib lub sij hawm ntawd, Tsab cai kawm ntawv hu ua tsis pub ib tug me nyuam poob qab (NCLB) los yeej hais txog kev txhim kho kev kawm tau ntawv ntawm ib tsoom tub kawm ntawv. Vim qhov tau pom tseeb lawm tias txoj kev kawm tau ntawv yog qhov tseem ceeb, tsab cai thiaj tau hais kom txhua lub xeev yuav tsum muaj kev twv xyuas qhov kawm tau ntawv rau cov tub kawm ntawv. Cov ntawv twv xyuas yog siv los pab txheeb xyuas seb tus me nyuam puas kawm tau ntawv ib qib nce rau ib qib los yog puas kawm tiav tau.

Ib tug me nyuam muaj qhov tsis taus los yeej yuav tau twv cov ntawv twv no nrog cov me nyuam uas nrog nws kawm ntawv ua ke hauv ib chav. Tej zaum tus me nyuam no yuav tau txais kev pab txhawb los yog kev hloov kho tej ntaub ntawv, yog tsim nyog lawm. Tej zaum nqee tus me nyuam yuav tau twv lwm hom ntawv twv xyuas los muaj. Tej zaum nqee tus yuav tau twv cov ntawv uas tsuas yog ntsuas qhov kawm tau ntawv hauv lwm hom ntawv kawm los muaj.

Koj tus me nyuam yuav tsum nco tau qhov tseeb ntawm cov ntawv tau kawm lawm sai thiab meej heev thiaj yuav twv tau ntawv zoo. Yeej tseeb lawm tias, qhov nco tau ntawd tsis zoo tib yam li qhov to taub. Txawm li cas los, cov me nyuam kuj yuav los qhia qhov lawv paub tsis tau yooj yim yog lawv tsis muaj cuab kav nco tau qhov tseeb ntawm qhov lawv tau kawm. Qhov yuav kom muaj kev nco tau zoo no kuj tsis yooj yim rau cov me nyuam muaj qhov tsis taus. Txawm li cas los, koj yeej muaj cuab kav pab kom koj tus me nyuam kawm tau cov tswv yim los nco tau zoo tshaj qub.

Qhov koj tus me nyuam nco tau cov lus tseeb yuav nyob ntawm qhov cim tau thiab xav tawm cov lus ntawd. Kawm ntawv yog ib txoj kev koj tus me nyuam muab cov lus ntawd khaws cia rau hauv nws lub hlwb. Qhov no hu tau tias cim tau cov lus. Cov kev twv xyuas yeej tees kom koj tus me nyuam nco qab qhov nws tau kawm los

lawm. Qhov no txhais tias yog xav tawm cov lus tau. Thaum pab koj tus me nyuam ua tej ntawv nqa los ua hauv tsev, koj muaj cuab kav pab kom koj tus me nyuam hloov tau lub tswv yim cim tau cov lus. Hloov lub tswv yim koj tus me nyuam cim tau cov lus zoo muaj cuab kav ua rau nws xav tawm cov lus tau zoo dua –thiab ua rau nws twv tau ntawv zoo zog.

Cov kev pab kom cim tau qhov tau kawm (Mnemonic, lub suab hais yog nih Ma nihk) yog cov hau kev los pab koj tus me nyuam cim cia cov lus, los yog cim tau. Ces nws thiaj yuav muaj cuab kav xav tawm cov lus ntawd tau zoo. Siv tej hau kev no, koj tus me nyuam thiaj yuav muab tau cov lus nws sam sim tau kawm coj los txuam rau cov uas tau cim cia los ntev lawm – cov lus uas nws nco tau zoo. Qhov muab tau cov lus tshiab los piv tau rau cov lus qub, koj tus me nyuam yuav nco tau cov lus tshiab ntawd mus ntev loo.

Cov lus hais piv txwv txog cov hau kev pab kom cim tau

Txoj kev nco tau cov ntsiab lus – Txoj kev no yog muab lo tshiab coj los nrog lo tseem ntsiab. Lo tseem ntsiab no muaj lub suab hais li lo tshiab thiab muaj cuab kav pom tau lo no zem zuag li daim duab. Daim duab pom zem zuag ntawd qhia lo tseem ntsiab mus txuas nrog qhov txhais lo lus uas yuav tau kawm. Piv txwv tias, nco tau tias lo “tus neeg hais plaub” no yog ib lo lus hais txog tus kws txheem plaub, koj yuav pom zem zuag lo no zoo li tus tsov nyob hauv chav hais plaub ntug.

Txoj kev muab cov lus los hais li cov zauv (Pegword method) – Txoj kev no yog siv thaum yuav tau nco cov lus hais raws qhov muaj zauv thiab muaj qib nrog. Cov lus hais li cov zauv yog cov lus uas hais seev sib dho raws cov zauv. Kev hais lus li cov zauv (Pegword) yog hais muaj qhov duab nrog cov lus uas yuav tau kawm. Piv txwv li, piv xam tias koj xaiv hais cov pas li cov zauv los ua tus 6 (six is sticks) nyob hauv txoj kev nco li hais no. Ces qhov xam pom zem zuag tias muaj cov kab taug cov pas no yuav ua rau koj nco tau tias cov kab no muaj 6 txais ceg.

Cov kev cim tau cov ntawv sau – Txoj kev no yog siv los nco cov lus hais txog cov khoom ntau yam teev ua ke. Txoj kev nco li no yog ua kom tsim tau lo uas muaj thawj tug ntawv (acronym) tawm los uas yog muab thawj tug ntawv ntawm cov lus hais txog cov khoom teev ua ke uas yuav tau nco ntawd coj lo sau ua ib lo. Muab thawj tug ntawv ntawm cov lus hais coj lo sau ua kev los ua ib lo lus, thiab pab kom nco tau cov lus teev cia pom dua los lawm. Ua li no kuj nco tau ntau lo lus tshaj li yuav nco txhua txhua lo teev cia lawm. Piv txwv li lo sau ua ke hais tias HOMES no kuj yuav siv tau coj los pab kom cov tub kawm ntawv nco tau cov npe zos nyob puab lub pav dej loj (Great Lakes) xws li Huron, Ontario, Michigan, Erie, thiab Superior.

Kev tshawb xyuas qhia tias cov tub kawm ntawv muaj qhov tsis taus muaj cuab kav siv tau cov kev kawm kom nco tau cov ntsiab lus zoo tau. Kev tshawb xyuas qhia tias siv kev nco qab cov ntsiab lus kuj ua rau cov tub kawm ntawv twv tau ntawv zoo dua tsis hais nyob qib twg los yog hom ntawv kawm twg.

Kev nco cov ntsiab lus kuj siv tsis tau rau thxua qhov kev qhia ntawv. Yeej muaj ntau txoj hau kev zoo los qhia txhua cov ntawv kawm uas hais txog qhov nco kom tau cov ntsiab lus ntau tshaj. Txawm li ntawd los, kev nco cov ntsiab lus yog ib qhov kev qhia pab uas muaj cuab kav siv los pab kom koj tus me nyuam qhia tau qhov nws tau kawm los lawm. Ua li no kuj yuav ua rau nws kawm tau ntawv nce qib tau.

Cov lus no yog muab cov Mastropieri, M.A thiab Scruggs, T.E hais tawm hauv phau ntawv (xyoo 1998) hais txog qhov siv kev nco cov ntsiab lus los txhawb kom kawm tau ntawv, Kev pab cuam nyob hauv tsev kawm ntawv thiab tsev tshuaj mob, tshooj 33(4), phab 201-208.

Cov lus hais tawm ua xov xwm muaj nyob hauv internet yog nyob hauv <http://www.1donline.org/>

Yog xav paub ntxiv tias yuav siv tau cov hau kev los pab kom nco tau cov ntsiab lus li hais no, mus saib hauv cov phau ntawv hais txog kev txhawb kom nco tau zoo los yog nco cov ntsiab lus.